

COMUN: Al vëgn lascé alsavëi che les **domandes do contribuc** y aiüc economics por l'ativité ordinara tl ann 2022 a uniuns/assoziazziuns mëss gní dades jö te comun cina en jöbia, ai 31 de merz 2022. I modui por la domanda é da ciafé sön la plata internet dl comun [www.comun.sanmartindetor.bz.it](http://www.comun.sanmartindetor.bz.it) o te secretariat de comun. Domandes dades jö do chësc termo ne vëgn nia tutes en conscideraziun.

#### PLOANIES SAN MARTIN Y LUNGIARÜ

##### **Vëndres, ai 4 de merz: Dé mondial de Oraziun dles Ères!**

La Uniun dles Ères inviëia de cör düc, mo dandadöt dötes les ères, da tó pert y se lié ite tla oraziun che vëgn tignida sura döt le monn do l'intenziun dles ères. I tesç por la oraziun é gnüs arjigné ca da grups dles ères dl'Inghiltera, dl'Irlanda dl Nord y dl Wales y stá sot al tema "Proiet por le dagní - Speranza!". Les spënores che vëgn ite te Südtirol vá en chësc ann a bëgn de proiec por ères y mituns tl Camerun y tla Tansania.

A San Martin tignunse chësta oraziun en vëndres, ai 4 de merz, tla mëssa dales 19.00 y a Lungiarü en sabeda, ai 5 de merz, tla mëssa prefestia dales 18.00.

**Preparaziun di geniturs al bato** la sabeda, ai 12 de merz, a La Ila, te calonia bas ite; prenotaziuns por telefon 334 32 00 396.

#### PLOANIA SAN MARTIN

**La Uniun di Seniors** da San Martin y d'Antermëia inviëia a na jita a Spinges por le pröm vëndres de merz ai 4. I piun ia da San Martin dales 9.00 cun i auti privac, laia sarál spo mëssa y dedò junse adöm a marëna. Le cost porom é de 10 euro. Prenotesse cina ai 2 de merz pro Alfred 333 36 54 786 o pro Maria 338 17 51 839. Al ó ester le Greenpass. Düc i seniors sura i 60 agn é dër bel inviá.

##### **Iscriziuns "online" ala Scora de Musiga** por l'ann de scora 2022/23:

Les iscriziuns vëgn fates en chësc ann por le pröm iade "online" dal 01 de merz cina ai 31 de merz 2022 tres le sorvise dl'aministrazziun provinziala "myCivis" <https://civis.bz.it/einschreibung-musikschule>. L'azes al sorvise online é poscibl tres SPID, CIE (cherta d'identité eletronica) o cun la "Cherta di sorvise" ativada. Informaziuns plü avisa [www.musikschule.it](http://www.musikschule.it) - Secretariat Scora de Musiga La Ila: Tel. 0471/847748.

**Le proiet "Cörs dla Val Badia"** é nasciü l'ann passé por sostigní cun spënores de nosta jënt porsones o families rovades tla stënta por gauja dll Covid. Cina incö án podü paié fora feter 29 mile euro de contribuc ince por afrunté spëises sanitaes. Deperpo che Covid s'á architè ia é sëgn aumenté les spëises por le mangé, le scialdé y la forza eletrica. Porchël ó "Cörs dla Val Badia" jí inant. I formulars por fá domanda é sön [www.solidariete.it](http://www.solidariete.it); les domandes pón fá por mail o ince les dé jö ti ofizi KVV a Badia y Al Plan.

**Audanzes de compliann:** Tl mëis de merz n'él ma un su sura i otanta che complësc i agn, porchël vá les audanzes de fortuna, sanité y benedisciun deplëgn a **Sepl Clara dl Sanví** che nen complësc 87 ai 21.



## Plata dles Ploanies San Martin y Lungiarü

ploan siur Klaus Sottas 344 15 54 055 - [klstottas@rolmail.net](mailto:klstottas@rolmail.net)  
curat siur Heinrich Perathoner 339 65 74 213  
redaziun anton.gasser@rolmail.net - 348 27 44 517 / 0474 523 194



[www.valbadiaonline.it/comunita](http://www.valbadiaonline.it/comunita)

**27.02. - 06.03.22 nr. 14**

ultimo termo por comunicaziuns: jöbia, dales 20.00

## 8ª DOMÈNIA IA POR L'ANN - C

### **Vangele do Lüca 6,39-45**

Gejù ti â dit a sü discepui: Sciafia pa n verc da menè n verc?  
Ne tomarài mo nia trami te na büja? Le scolar n'é nia sura so maester;  
vignun che à imparè döt cant sarà mâ sciöche so maester. ....  
Tira naöta la trè fora de to edl; spo poste trà fora l'agüz fora dl edl de to fre.  
Al n'é nia de bugn lëgn cun de stlec früc, no de stlec lëgn cun de bugn früc.  
Vigni lëgn conëscion a sü früc; dai ardiuns ne cöion degügn fighi,  
y dala trognora da spinac ne cöion degöna üa. N bun chestian porta de  
bun a löm, deache te so cör é de  
bun; n ri chestian porta de ri a löm,  
deache te so cör é de ri. De ci che  
le cör é plëgn, de chël cunta la bočia.



*Al nen sará nia sté tröc che ti ará ascuté pro a Gejù,  
mo i dërc, che á spo cunté inant ci ch'ai á aldí y sperimenté: te Gejù n'ai incunté  
un che ne baia nia ma, mo che á na gran fidënza y crëta te Chël Bel Dî.  
Y i odun che Gejù ne mët süa fidënza y süa crëta nia ma te Chë Bel Dî,  
mo ince te chi che l'ascuta sö.*

*Y al ti dij:*

*Romenede sö te os instësc, sëise sinziars, dijede ma parores ch'i fajëis ince  
y lascede ester les parores ch'i ne sëis nia bugn da ademplí.*

*Cis al dedaincö, olach'al vëgn dít tan de parores ötes,  
é vigni porsona, che se tëgn ales parores ch'ara dij, na fortuna.  
ciamó deplü sc'ara se trata de parores de fede.*

*Parores de fede dess ester parores de convinziun y da tó söl sciode.  
Chël che professëia Chël Bel Dî, mëss ince operé te so Spirit.  
Dailó á Idí süa ligrëza impara.*

Image

| EDEMA                                                                                   | SAN MARTIN                                                                                                                                                                              | LUNGIARÜ                                                                                                                                                                        |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                         |
|-----------------------------------------------------------------------------------------|-----------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 27.02.22<br>8 <sup>a</sup> DOMËNIA - Ann C                                              | 9.00 Corona<br>9.30 Gran Messa por la Comunité<br>por i Tomá te vera<br>por fam. de Franca y Ivan Sorà<br>+ + Zingerle, Ghejenara<br>por les Püres Animes                               | 7.50 Corona<br>8.15 Gran Mëssa por la Comunité<br>cun presentaziun di neocomunicanc                                                                                             |  <p>I tignun Capiun - le cënder che nes vëgn metü söla frunt nes recorda che:<br/>I ne viun nia dagnora da salvá,<br/>nia dagnora tla fede y tla ligrëza de Pasca,<br/>nia dagnora implis de speranza.<br/>Le cënder nes dëida da odëi ite y da dé<br/>pro nostes deblëzes y limitaziuns.</p>  <p>"Le spirit é bëgn orentí, mo la cern é debla"<br/>chësta frasa é diventada na bela vertora,<br/>sc'i á indô fat val' ch'i n'ess nia orü.<br/>Indô mangé demassa, ciaré massa dî la tele,<br/>m'un freghé dla meseria di atri y i.i.<br/>I m'á tut dant val' y i ne sun nia sté bun.<br/>Pordërt n'é chësta frasa nia na vertora, mo<br/>n avertimënt, n avertimënt de Gejú.<br/>Al la dij en chë sëra ch'al vëgn pié<br/>ai discepui Pire, Iaco y Jan. Al i á tut cun ël<br/>da jí tl Urt dl Orí a perié. I trëi discepui dô<br/>sté muntri cun ël, mo canch'al vëgn indô<br/>derevers i ürtel ch'ai dorm.<br/>Dailó i esortëiel da sté muntri y da perié<br/>ch'ai ne tomes nia tla tentaziun, deache<br/>"Le spirit é bëgn orentí, mo la cern é debla".<br/>Dui iadi sozedel.<br/>Datrai pó la vita ester sfadiosa. Tan sfadiosa<br/>ch'i se lasciun ia y fajun cosses ch'i n'oressun<br/>nia. Dailó orunse se tó a cör<br/>l'avertimënt de Gejú - sëgn de Carsëma. Image</p> |
| 28.02.22<br>Lönesc Roman, Silvana, Antonia                                              |                                                                                                                                                                                         |                                                                                                                                                                                 |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                         |
| 01.03.22<br>Dedolönesc - Carlascé<br>Albin, Davide, Teresa                              | 19.00 Mëssa<br>+ + Edith y Paul Prousch<br>+ Sepl Flöss d'Arzó                                                                                                                          |                                                                                                                                                                                 |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                         |
| 02.03.22 Agnes, Ines<br>CAPIUN<br>Scomenciamënt dla Carsëma                             | 19.30 Mëssa - Imposiziun dl cënder<br>+ Ida Dariz<br>+ + Cristina y Vijo Prousch                                                                                                        | 18.00 Mëssa<br>dl ann + Serafin Clara<br>dl ann + Johanna Schanung<br>+ Marino Clara, Ties                                                                                      |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                         |
| 03.03.22<br>Jöbia<br>Cunigunda, Tobia                                                   | degöna mëssa<br>Domisdé: Provijun di amará                                                                                                                                              | Danmisdé: Provijun di amará                                                                                                                                                     |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                         |
| 04.03.22<br>Pröm vëndres<br>De Mondial d'Oraziun dles Ėres  <br>Adrian, Teofil          | 18.30 Adoraziun chîta<br>19.00 Mëssa<br>cun oraziun y oferta<br>por le Dé de Oraziun dles Ėres<br>a d'intenziun                                                                         | 7.00 Adoraziun<br>7.30 Mëssa<br>+ Augustin Daporta<br>+ Heinrich Frenademez                                                                                                     |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                         |
| 05.03.22<br>Sabeda<br>Oliva, Dietmar                                                    | 19.30 Mëssa prefestia (siur Klaus)<br>families Flöss, d'Anví<br>fam. de Erlacher Carmen<br>+ + Frenner - Costabiei<br>vis y def. fam. Erlacher, Cheder                                  | 18.00 Mëssa prefestia (siur Klaus)<br>cun oraziun y oferta<br>por le Dé dles Ėres<br>dl ann + Guido Clara<br>+ Isidoro Clara dl Toch                                            |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                         |
| 06.03.22<br>1 <sup>a</sup> DOMËNIA<br>DE CARSËMA - C<br><br>Domënia dla Dlijia te ciasa | 9.00 Corona por vocaziuns<br>9.30 Gran Messa por la Comunité<br>fam. Paul Pedevilla<br>+ siur Heinrich Videsott<br>19.00 Les ciampanes che sona adöm<br>inviëia ala oraziun tles ciasas | 7.50 Staziuns ciantades dal Cor<br>8.15 Gran Mëssa por la Comunité<br>en onur de Santa Maria da Lourdes<br>19.00 Les ciampanes che sona adöm<br>inviëia ala oraziun tles ciasas |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                         |